



Broj: 02-50-1-16-44/10

Sarajevo, 19. 4. 2010.

ZAPISNIK

nastavka 44. sjednice Doma naroda

Parlamentarne skupštine Bosne i Hercegovine,

održane 19. 4. 2010. godine

Sjednica je počela u 12,10 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Prije prelaska na razmatranje preostalih tačaka u nastavku 44. sjednice, Dom naroda minutom šutnje odao je počast preminulom predsjedniku Poljske Lehu Kačinskom, njegovoj supruzi i članovima delegacije koji su nastradali u avionskoj nesreći.

Na nastavku 44. sjednice razmatrane su preostale tačke utvrđenog dnevnog reda 44.sjednice Doma naroda, i to:

15. Prijedlog zakona o promociji malih i srednjih preduzeća i preduzetništva u Bosni i Hercegovini (prvo čitanje), predlagač: Vijeće ministara BiH;
16. Prijedlog zakona o primjeni rezultata analize dezoksiribonukleinske kiseline u sudskim postupcima (prvo čitanje), predlagač: Vijeće ministara BiH;
17. Prijedlog zakona o izmjenama i dopunama Zakona o radu u institucijama Bosne i Hercegovine (prvo čitanje), predlagač: Vijeće ministara BiH;
23. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Vijeće ministara BiH;

24. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (akt Ministarstva za ljudska prava i izbjeglice BiH, broj 01 – 37 – 310 /10, od 15. 2. 2010.);
25. Prijedlog strategije razvoja sporta u Bosni i Hercegovini, predlagač: Vijeće ministara BiH;
26. Rasprava o Izvještaju o aktivnostima Vijeća Evrope u 2009. godine, prijedlog za razmatranje: Delegacija PSBiH u Parlamentarnoj skupštini Vijeća Evrope;
27. Izvještaj o aktivnostima na projektu „Autoput na Koridoru Vc“ i Plan narednih aktivnosti (materijal Ministarstva komunikacija i prometa BiH);
28. Izvještaj o radu parlamentarnog vojnog povjerenika za period oktobar – decembar (materijal parlamentarnog vojnog povjerenika);
29. Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. (materijal Odbora za žalbe građana, broj: 03-50-1-60-6-2/10, od 27.1.2010.);
30. Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine (Vijeće ministara, akt broj: 05 – 28 – 21 /10, od 8. 1. 2010.);

Ad.15. Prijedlog zakona o promociji malih i srednjih preduzeća i preduzetništva u Bosni i Hercegovini (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Zoran Koprivica, Dušanka Majkić i predstavnik predlagača ministar Mladen Zirojević.

Dom naroda **jednoglasno je usvojio** Prijedlog zakona o promociji malih i srednjih preduzeća i preduzetništva u Bosni i Hercegovini **u prvom čitanju**, sa sljedećim zaključkom:

1. Dom naroda Parlamentarne skupštine BiH obavezuje Zajedničku komisiju za ekonomske reforme i razvoj PSBiH da do kraja aprila 2010.godine provede javnu raspravu o Prijedlogu zakona o promociji malih i srednjih preduzeća i preduzetništva u Bosni i Hercegovini.
2. Dom naroda Parlamentarne skupštine BiH produžava amandmansku fazu za Prijedlog zakona o promociji malih i srednjih preduzeća i preduzetništva u Bosni i Hercegovini do 48 sati prije razmatranja Prijedloga zakona na sjednici nadležne komisije.

Ad.16. Prijedlog zakona o primjeni rezultata analize dezoksiribonukleinske kiseline u sudskim postupcima (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Ivo Miro Jović, predstavnik predlagača, zamjenik ministra, Srđan Arnaut i Dušanka Majkić.

Dom naroda **jednoglasno je usvojio u prvom čitanju** Prijedlog zakona o primjeni rezultata analize dezoksiribonukleinske kiseline u sudskim postupcima.

Ad.17. Prijedlog zakona o izmjenama i dopunama Zakona o radu u institucijama Bosne i Hercegovine (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Ivo Miro Jović, predstavnik predlagača, zamjenik ministra, Srđan Arnaut, Zoran Koprivica, Dušanka Majkić, Božo Rajić, Alma Čolo, Branko Zrno, dr.Mladen Ivanić i Slobodan Šaraba.

Dom naroda je, s **deset glasova “za” i tri “suzdržana” glasa, usvojio u prvom čitanju** Prijedlog zakona o izmjenama i dopunama Zakona o radu u institucijama Bosne i Hercegovine;

Ad.23. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, predstavnik predlagača, pomoćnik ministra sigurnosti, Mate Miletić i Dušanka Majkić.

Dom naroda **jednoglasno je usvojio** u prvom čitanju Prijedlog zakona o izmjenama i dopunama Zakona o zaštiti tajnih podataka.

Ad.24. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (akt Ministarstva za ljudska prava i izbjeglice BiH, broj 01 – 37 – 310 /10, od 15. 2. 2010.)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Zoran Koprivica, predstavnik predlagača ministar Safet Halilović, Slobodan Šaraba,

Ivo Miro Jović, Alma Čolo, Mladen Ivanić, Dušanka Majkić, Božo Ljubić, Drago Ljubičić, Božo Rajić, Sulejman Tihic i Branko Zrno.

Dom naroda je, **s 11 glasova „za“, jednim „protiv i jednim „suzdržanim“ glasom, usvojio** Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma u prvom čitanju.

Ad.25. Prijedlog strategije razvoja sporta u Bosni i Hercegovini, predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Prilikom razmatranja Prijedloga strategije razvoja sporta u Bosni i Hercegovini, Dom naroda **je, s 11 glasova „za“ i dva „suzdržana“ glasa, usvojio** sljedeći zaključak:

“Dom naroda Parlamentarne skupštine BiH zadužuje Ustavnopravnu komisiju Doma naroda da, zajedno sa Ustavnopravnom komisijom Predstavničkog doma, organizira proširenu javnu raspravu o Prijedlogu strategije razvoja sporta u BiH, te da Domu dostavi izvještaj radi konačnog usvajanja Strategija razvoja sporta u BiH”.

Ad.26. Rasprava o Izvještaju o aktivnostima Vijeća Evrope u 2009. godine, prijedlog za razmatranje: Delegacija PSBiH u Parlamentarnoj skupštini Vijeća Evrope

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Slobodan Šaraba i Mladen Ivanić.

Dom naroda je, **s deset glasova „za“, jednim glasom „protiv“ i jednim „suzdržanim“ glasom, primio k znanju** Izvještaj o aktivnostima Vijeća Evrope u 2009. godine sa sljedećim zaključcima:

1. *Dom naroda PSBiH prima k znanju Izvještaj o aktivnostima Vijeća Evrope u 2009. godini s priloženim dokumentima,*
2. *Dom naroda PSBiH preporučuje da se Izvještaj o funkcioniranju demokratskih institucija BiH te Rezolucija 1701 (2010) i Preporuka 1894 (2010) proslijede nižim nivoima vlasti na upoznavanje i prepoznavanje svog dijela obaveza iz ovih dokumenata,*
3. *Dom naroda PSBiH urgira da se ubrza ratifikacija Povelje o regionalnim i manjinskim jezicima, što je jedna od preostalih postprijemnih obaveza,*

4. *Dom naroda PSBiH poziva Predsjedništvo BiH da ubrza proces imenovanja predstavnika BiH u međunarodnim tijelima, i to: Evropskom komitetu za sprečavanje mučenja i nečovječnog ili ponižavajućeg postupanja ili kažnjavanja, Savjetodavnom komitetu Okvirne konvencije za zaštitu nacionalnih manjina, Evropskoj komisiji protiv rasizma i netolerancije i Venecijanskoj komisiji.*

Ad.27. Izvještaj o aktivnostima na projektu „Autoput na Koridoru Vc“ i Plan narednih aktivnosti – (materijal Ministarstva komunikacija i prometa BiH)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Slobodan Šaraba, predstavnik predlagača, ministar Rudo Vidović, Božo Ljubić, Ilija Filipović, Ivo Miro Jović, Branko Zrno i Sulejman Tihić.

Dom naroda **jednoglasno je odlučio** Izvještaj o aktivnostima na projektu „Autoput na Koridoru Vc“ i Plan narednih aktivnosti, zajedno sa zaključcima koje je predložio Ilija Filipović i inicijativom Bože Ljubića, dostaviti nadležnoj komisiji **na ponovno razmatranje i dostavljanje mišljenja**.

Ad.28. Izvještaj o radu parlamentarnog vojnog povjerenika za period oktobar – decembar., (materijal parlamentarnog vojnog povjerenika)

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda **jednoglasno je usvojio** Izvještaj o radu parlamentarnog vojnog povjerenika za period oktobar – decembar 2009. godine.

Ad.29. Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. godine (materijal Odbora za žalbe građana, broj: 03-50-1-60-6-2/10, od 27.1.2010.)

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda **jednoglasno je usvojio** Izvještaj o radu Odbora za žalbe građana na rad policijskih službenika u policijskim tijelima BiH za period septembar – decembar 2009. godine.

Ad.30. Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine (Vijeće ministara, akt broj: 05 – 28 – 21 /10, od 8. 1. 2010.)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Adem Ibrahimpašić, Mladen Ivanić, Slobodan Šaraba, Ivo Miro Jović i Alma Čolo.

Dom naroda je, s **12 glasova „za“, dva „protiv“ i jednim „suzdržanim“ glasom, primio k znanju** Prijedlog mjera za poboljšavanje uslova poslovanja u poljoprivrednoj proizvodnji i prehrambenoj industriji Bosne i Hercegovine, te usvojio sljedeći zaključak:

„Obavezuje se Ministarstvo vanjske trgovine i ekonomskih odnosa BiH da dva puta godišnje dostavlja Parlamentarnoj skupštini BiH informaciju o odnosima bilansa potreba i stanja koji uključuje vanjskotrgovinske bilanse za proizvode iz tač. 1. i 2. Prijedloga mjera za poboljšavanje uslova poslovanja u poljoprivrednoj i prehrambenoj industriji Bosne i Hercegovine. Rokove iz prijedloga mjera treba uskladiti s vremenom prihvatanja mišljenja Komisije.“

Sjednica je završena u 15,20 sati.

Sastavni dio ovog zapisnika je neautorizirani transkript nastavka 44. sjednice Doma naroda.

SEKRETAR
DOMA NARODA
Marin Vukoja

PREDSJEDAVALAČI
DOMA NARODA
Sulejman Tihć